

存

悔

齋

集

存悔齋集卷九

臣劉鳳詒

敕撰文

裕陵祖奠祭文

玉華仍几慟趨

設黼之庭纘采容車忍讀用輶之禮遡

鼎成於軒御月已八盈緬

裳輟於舜帷秋初九序殫孺依而罔極潔祖侑以特陳肅戀

宸儀愴申秘祀欽惟

皇考高宗純皇帝

德備顯謨

光昭垂裕

躋齡九袞福壽稱亘古

全人

制治六旬敬勤貽後來法守僂卯秋之觴菊膺

命撰良希子室之倚

椿考終增算何意新正次日猶

殷懷書望捷之章遂令遺恨終天竟奄棄奉

升遐之詔日月景邁霜露怵深循吉兆於因山奉

大昇而卽路青郊白澗皆昔年

謁

原殿之程素節金風迺今日導

靈輿之駕望

敢宮之建旄畢陌號隨憶桃寺之飛旗蜀川凱奏茲者霜摧老木炊未熟而纓糜雲川大禾妖當亡而線絕奔麋後界楚西境之氛消沃蟻青岡巴東鄉之阱密方佇征鑿之全奏式陳賁鼓以含悽卜望朝先戒朔朝比啟奠聿終常奠於庠典宜四綽攀龍馭以心摧痛僅一筵捧犧尊而淚溢感式憑之不遠告越宿以將移

神宇長辭

聖鑒如在

裕陵饗奠祭文

馭返層霄攀

龍髯而增勳

神依闕殿駐鳳翼以衍悲畿甸東臨

靈爽式憑者五宿

橋山北望

祥徵永卜於萬年慕結松楸哀陳杞柶欽惟

皇考高宗純皇帝

德敷九有

化洽三無契

昊綵以垂麻允文允武紹

前猷而建極丕顯丕承六十載而不敢餘早定於

踐阼升香之日

九旬年而未臻一方舉夫臚歡
上壽之儀何期甫慶於發春遠爾難迴於

愛日

生成德厚皆宵衣旰食所貽

教養恩深矧遭大投艱之重溯自正三之諱日儵經重九之蕭
辰會同軌以偕來敬因山而襄事沿途三百里皆銜悲搶地之
民僕指數十年是隨侍謁

陵之路愴懷風樹葉脫深青灑淚霜郊天凝寒白奉

靈旂而泣止

御享殿之深嚴敬奠

几筵祇陳牲醴昨好音之度棧得快陣於臨江軍聲震赤甲之

顛戎首繫紅衣之醜捷聞必告

威赫常昭佇定全功仰承

遺志伏祈

聖鑒俯賜

格歆

裕陵遷奠祭文

霜來露往感天序之潛移巒抱岡迴擁地靈之攸宅孝經之述
安厝義特備於卒章魯論之重慎終禮將告於成事先申潔奠
翊卽

元宮欽惟

皇考高宗純皇帝

道邁侂提

量均幃載運

至誠於不息

御首出以咸寧六十年

創守兼營肆

詒大寶四十載

恩勤備篤莫報

昊天恨萬古以無窮
儵九秋之卽遠
夙考棲神之域
宜茲昌瑞之山東
主乎生近帶襟於京國
昭從乎

祖接蔥鬱於

景陵是百靈擁衛之區
爲萬世瞻依之兆
躬親引紼痛憶掖輿

存悔齋集卷九

率百司庶姓而來如喪考妣極哈薩廓喀之遠同戀

佛天仗莅三霄

蹕停七日將以詰朝之吉月盈寶魄以橫庚虔行

大葬之儀雲掩石門之屈戌明樓高擢列蜃衛以森嚴幽隧上
升奉

龍輶而安吉述

聖德神功之有赫空瞻文石之長留詎昏定晨省之無從卽仰
梓宮而不見用終喪祭預告遷期伏祈

多福之如

陵永佑後昆而

垂裕

裕陵虞祭祭文

畏神服教橋山拱軒帝之居昌後燕天畢陌安周家之祀當徹重爲

主之日爰易奠而祭以名敬維

高廟之靈既卽

裕陵之兆簡鈞衡以將事厘感通一氣之思御龍衮以告虔協崇祀萬年之吉山封昌瑞殿啟隆恩義取安神仰於昭于

天上儀隆饋食謹言返於日中已葬而虞一日之離弗忍將歸而

禱百世之廟不祧慕深迴望於松楸

垂佑後昆之椒庭肅將馨薦伏冀

不...
...
...

鑿款

裕陵享殿安奉

神牌祭文

返也如疑越庚辛壬癸之四日虞而作主與

廟

殿

丘

澤而皆同衣冠奉原廟之游黍稷肇

橋山之祀萬年祭吉是日升

太室之尊兩地誠通執事肅宗藩之代惟

考

妣同升

玉座撰合清寧仰

高

曾近接

珠邱道光謨烈峪開勝水東來鍾山海之靈榜揭隆恩南嚮正
乾坤之位

神依松隧封昌瑞以昭靈榮賁桐封申懿親以居守一二品月
卿擁護依然班具東西四十員宿衛警嚴仍是翼分左右凡以
無忘乎尊養庶幾來格于

且明優乎見憶乎聞矧

神靈之邇宅秋旣霜春旣露期烝禴之永綏

寶祐虔升雕筵肅薦於戲

黃輿近奉行營凜三日之齋紫氣遙臨迴首切五雲之戀尙祈
歆格曷罄瞻依

裕陵初週年祭文

服二十七月流光半度於小祥暮三百六旬獻歲初逢於忌日
正祝今年

九裘衢臚慶典之已虛忍懷昨載元正宮肇朝儀之不再肅眇
躬而薦秘卽朔旦以啟塗宿兩程嚴朝三望杳欽惟

皇考高宗純皇帝

福全尊養

德厚恩勤史紀聖於放勳重華堯之典曰稽古舜之典曰稽古

樂升歌於觀成思服文之詩曰烝哉武之詩曰烝哉禮隆
耐

配之儀既告禋於

泰壇

清廟哀寫碑銘之述方立石於

聖德神功計因山之期又逾百日惟奉諱之恨將抱終天莫仰
音容長深哀慕

璽傳展負溯丙丁戊己而橫庚火改穀新闕春夏秋冬而成歲
執禮鮮長聲之哭觀行惕繼

志之難篤

創垂而敬循無改之文念

眷貽而益凜其獲之

訓功咸賴

威神之默佑事維遵

指畫之成模一載以來再三必告僕九秋而隕穉醜執頻連陳
三捷於采薇師貞攸利平陽壩鴟驚星斗焚如棄如鐵釘山麋
中弓矛鍛乃礪乃四畝地之頓教犁穴李未死而識張五塊石
之旋就轟灰高莫逃而冒郝控弦則河沈士虎繫組則山拔巴
蛇破屋烏飢枝指之三傷可驗窮崖鷹搏駢頭之二婦偕纍賊
蹙而功佇得全戰克則祭先

受福於戲春盤春宴問何追侍

饒之娛素禪素冠總難制垂衣之淚迴首而

橋山雲邈萬年長奉

遺弓傷心而

畢陌露零翌日迅將返轡孝饗率週期之謁吉蠲申茲祀之忱
伏冀

聖慈俯垂

歆鑒

裕陵清明祭文

氣佳哉蔥鬱七十日瞻望重趨時逝矣冬春百五辰清明又屆
憶昨年

殯宮燔楮今已因山從改歲

原殿升藟又來復土禮殷時薦心耿孺依欽惟

皇考高宗純皇帝

堯冊勲崇

軒橋澤遠

論年錫九停喪嗟孝養之虛奉諱逾葺植碣表

化神之慕當柳陌引悲風之緒恍

柏城履春露之濡陳節供之寶花奠新筵之槐火禴孚

受福凱佇

宣威拯難戶於纍中清水克殲委鬼攝游魂於夢裏秀金又馘
弔弓營盪五家湘坪則紅衣折首川平九里歐店之白霧消氛
帖循化之野番呢嗎哇嚶威諭化奏西寧之全捷索諾赫持咒
獻賊近大振於軍聲皆仰由於

靈佑於戲松雲在望羣神環衛於

五邱怙恃同依

原廟耐升於

二后摠言誌戀

垂鑒維歆

是春詰以講臣預

派扈從尋羅太常卿

諭掌院學士曰劉某已出衙門可令以牌職仍帶講官洵爲異

數恭值

駐蹕桃花寺日薄暮

宣至宮門閱軍報畢即將獲賊事增敘入明晨上

陵祝文擬二聯曰縷係兇渠已鼠窮於齧線鬪穿賊子更狼走

而伏槍絕禮辛鎮之炊愁聞泣釜斫何甲渠之馬僞獲影纓續

持咒獻賊句下頃刻譯進蒙

獎敏速蓋是時軍捷必告務按實事皆稟

上命也事具平定教匪方畧

裕陵告祭文

輪再歲之春秋嚴霜方降叶八徵之陽雨新穀既升序逾於七
月中元愴

陵原之未拜願虛於

九旬萬壽慟

神御之空瞻增時祭以先重陽奏

靈威之騰三捷欽惟

皇考高宗純皇帝

大德受命

至誠前知

成全績以猶羸聖神文武

利行師而終吉微彰柔剛昔溯寅冬初萌劉孽大恢

天網不容逆跡之淵逋久駐日車幾作具文之海捕鴟鵂晝伏
五年鄧新野之間蠓蝶宵飛三日邳寶豐之事仔從葉縣澄眼
目以非譎讖定瀛臺抉肺肝而盡剗劉師宋弟千金妄斂根基
盲犬童牛二豎敢爭彌勒逢辰約詭先蠢動者富傑華元旁午
書傳卒鞞膊者李蘇薛馬實厲階由一夫之首猶妖言覬三省
之肩終服厥辜真成不意稔狂謀之鬼蜮痛未獲及

見及

聞折祕計之蘖芽衆咸欽

先知先覺至若全營偷棧殲陳傑於柴溝三箭射熊縛方青於
孔集叔能誅姪韓家峒大義操戈弟以繼兄佛入崖游魂飲羽

竄窮追於鄖竹徐添德鵠翼翦雛流密堵於階成伍金柱鷓膏
洞刃經捷書之踵接卜賊勢之膽寒佇闕隴之塵清更六伐七
伐之進迅楚巴之氛淨其九月十月之交耆定爾功荷所
助順而所助信先爲之兆

示以此始亦以此終敢曰齋繼述心皆仗

大威神力於戲樹松楸於歲宴倏週

地宮移輜之暮

獮狐兔於秋高緬侍大野

鳴鑿之日

佑以止戈之福

鑒茲薦俎之祈

裕陵二週年祭文

再葺歲改開韶瓊指夫龍杓三度春迴撫序瞬過於駒隙準朝
陵而展孝忍忘諱日之思肇齋祓於迎年卜用剛辰之吉
父事殷於欲報孺依耿以同伸誠藉感通典從攝代欽惟
皇考高宗純皇帝

乾運全功

福綏配命

在天昌燕誌遺慟於正三夢

帝與齡虛履祺於九一自奉

珠邱安謚孖歲時追慕之忱載升

紺宇馨蕪稟先後弗違之節昨庚初之

享祀攷

訓三朝爰辛次之訂釐陳

詩七字論

闕於祭如神在義昭夫

饗與

親同值今四日之

祈年宜統

一尊而致敬

軒湖載陟當鼎成弓墮之辰

泰時方齋是視版宿

壇之夕欲例上春之行事必先元旦之首塗如慕如疑已逾期

於柴燎爲

天爲

父難並致於香升矧乃殷薦象崇配上嚴於

祖

考噫嘻頌奏助分列於臣工權重祭於禮經義猶越縉體敬

天之昭事

躬必奠圭雖

岵岵之望以時而

陟降之靈則一俾率先於同氣承祀必虔借溢往於庶官執事

有恪瞻依

寶隧蒼然松露之寒拜獻芳筵肅若椒盤之侑位在

帝之左右禮各有宜

天以氣爲往來

神無不格惟申默叩祝

九霄丕冒之安用安

精禋冀兩地居歆之

佑仰憑

昭鑒遙佇式臨

裕陵清明祭文

三春履露益嗟時序之速移五次朝

陵恒怵孺忱之未盡憶諱辰之禮歎祇嚴對越於在

天僕寒食之節臨彌切瞻依於陟岵塗啟青陽之陌祭循編服

之儀攀戀如初追懷卽遠欽惟

皇考高宗純皇帝

德裕化神

恩隆佑啟

燕貽法備晨興開

寶錄之編鴻祚馨升歲牛遡

時禋之饗自昨歲

松邱秋謁迅轉星霜倏兩番榆社春迴悲縈風木緬

大德於三年之愛報矢無窮遵常制將再月而除禮歸有節今
者禁烟新饌薌凝雕俎之間吉土增封雲護

寶城之上先日申虔於

不中...
不中...
不中...

列鼎屆期展拜於

元宮慟

弓劍之云遙敢忘

付託幸戈鋌之將靖更仗

威靈

十全冀紹於成功再謁痛鄰於卽吉仰祈

恩鑒俯

賜居歆

裕陵中元祭文

撫幽圓於

堂構載耕逢流火之辰追

軒駕於

橋陵永慕啟履霜之序佳哉蔥鬱望柏路之游衣妥以苾芬薦
蘭盆而蠲饗用申時祭特奏衷言欽惟

皇考高宗純皇帝

德盛化神

烈承謨顯

在上在左右詩咏於昭

有功有文章論推則大攀髯莫逮一半年

成鼎長悲樓指將臨

九十齡捧觴虛願屬上元之節屆當上祭之儀行禾黍盈疇將
熟豐登之寶雨暘協範都歸

默佑之功慮期門俞騎之如傷思貴粟重農之有

訓叩

珠邱而殷薦維藩代同氣之親自

粟主之

耐升是日展

奉先之拜

日行天上知晉畫之咸臨水在地中每師貞而必告馬蹏岡半
旬四戰俘掌留殷石門寨聲南擊西婦衣染白羆原狼種獻馘
陰平鴟有雁行駢頭新店追窮豐谷殲困獸於羅漢之場掃淨
潼河碎紙船於觀音之寺干溪合口兩岔分河未逾半月之期
連報雙兇之繫沙陀寺繫纓傳令螞蟻溝折首先鋒色別三旗

越境獲襄陽之醜溪漈七孔戕官莫大竹之忠張漢湖餘孽已
清兩劉同殄龐洪勝游魂新附四子皆誅敘功不掩夫黃楊旗
衝馬下奏凱兼摧夫藍白曉盪雨中久陝境之塵清卽楚壘之
氛盡決檻猿於隴右網輒鮒於川東秋以爲期大捷得順陰之
氣霜之將降藐躬全繼

志之忱當親詣瞻謁以同哀惟

靈威籲松楸之

陰恫仰祈

慈格

俯鑒悲懷

裕陵釋服祭文

四十年膝前之愛遽抱恨以長終廿七月天下之通忍忘哀於
易日情無窮而禮有節拊心追

龍馭之遙祥已再而禫又三轉瞬閱駒光之迅三春風木愴頓
釋於苴麻六奠

陵原肅升薌於灌鬯長言表勸匍叩摠忱欽惟

皇考高宗純皇帝

巍煥功文

生安仁壽

誠神幾常流

聖化

福德智同戀

佛天溯前歲之正三軒湖

鼎陟洎是秋之重九昇陌

輶移又經甘度之蟾圓愈積兆民之蟻慕矧子於

父母難言報一日弗離而禮之進退有恒經三年爲極

郊禋

廟享雖勉循越紼之儀御殿居園未敢從說衰之制伊蒿伊蔚
長懷蓼蓼之莪見鞞見衣猶守樂樂之棘初輟行於元旦典重
祈年昨展謁於清明情傷履露旋京未幾陟岵重來瞻隧樹以
雲迷述

陵碑而石立淚沾縞素

閔小子之喪服屆除春奏鐔鏡纘

先皇之戎衣有緒上辛騰捷燕子崖傾獻歲報功鳳凰山圮繫
齋工而首授殪委鬼以魂啼伴孽弟之熊熊殲逆雛之冉冉龔
一馬二教滅而先及其師徐姪樊妻貫盈而無遺厥種豬坪陣
戮剗心奠三帥之椒龍池生纍起首伏六年之莽陝楚川邪氛
都斂徐高馬餘燼速燿執訊渠魁卽刼消而登樂土成功將士
當躬率以告

橋山解淨甲以東旋仗

威弧之下指烏虜吉祭重而禘祭合將歸致

太室之齋除日九而諱日三得卜叶

秦陵之吉創鉅痂甚虜舉爵以盡心遺大投艱壘奠甌爲繼
志

神其默佑裕我後昆

裕陵三週年祭文

欲報之德罔極銜哀將萬古之期繼序之思不忘卽吉又三時
之遠肅

元宮之薦飶卽正日以戒駟悲戀何窮鬱蔥在望欽惟

皇考高宗純皇帝

鴻基德鞏

燕翼慈詒

文武聖神知人安民惟時克

親賢樂利盛德至善不可諉痛奉諱於正三敬永安於重九曩
春以

祈年紺宇左輔停行首夏迺釋服

寶城神臯展謁今來七度時屆三週日當忌而必哀禮有節而將改憶前

成鼎之一日猶奉加餐嚮後主器者萬年但能執鬯用孝養厥父母雞豚尙逮於親存以禮交於神明梧捲空留夫口澤思慰投艱而遺大惟期

篤祐以安民方今楚甸廓清秦關綏定餘孽盡繫纓於逆屬游魂迅膏斧於兇渠不日功成自

天祐吉鼓宣夔吼武揚而取其殘弓抱烏號戰克而祭則

福於戲睇

珠邱而雨泣安知昨日春來徹雕俎以雲飛忍復詰朝路轉愴

攄孺慕冀格

聖歆

裕陵立碑告祭文

聖德難名顯徵之峻明廣運

神功不宰靜驗於時行物生昭法守於來茲載泐貞珉之壽筮
致虔於吉日肅將奠爵之儀敬勉無文禮申必告欽惟

皇考高宗純皇帝

道符昊綽

勲被坤輿

作之君作之師皇建有極

加以富加以教民保無疆宅宥密者敬

天法

祖之模懋敷施者

緯武經文之畧述事具存於

寶錄宣光大揭於

陵原詩書多述祖之言二典三謨二雅三頌銘序誌終天之慕
萬古

一人萬善

一身

八九齡之言動難追

六十載之

聖神莫罄人於天子於父母報罔極以何從上立德次立功言

昭來許而不朽既抒詞而寫痛將表隧以命工祇卜良辰聿申
殷薦於戲顯哉

謨而承哉

烈佑我後人敬所尊而愛所親綏予孝子穹碑旣屹蔭佳氣於
蔥鬱松楸貞石長留結孝思而瞻依

弓劔仰祈

昭鑒

俯賜格歆

太廟祫祭文

欽惟我

列后紹

天闢繹垂統延洪肇基縣

五世之昌錫福逮

九旬之祚我

皇考高宗純皇帝

乾行龍德

泰洽鴻圖緬

授政創

六

五帝之新規洎

宣遺邁正三朝之大事百萬年無此

尊親之極則懼一日難爲臣子之不承茲循卽吉之期爰展遙

追之孝禮崇

家法奉

配壇

耐廟之靈長道暨

訓暮勵盱食宵衣之任重感靡瞻而無時釋念遵有節以稱情
立文日月其除人天至喜儀隆合饗行營先兩宿之齋侑列羣
工觀禮綴中山之使於戲

天臨

日監式彰億禩之釐祥

宗德

祖功彌篤後人之佑啟肅升慶裕虔籲

慈歆

山神祭文

天作靈峪地環聖水考卜萬年幽貺萃止今恭奉

皇考高宗法天隆運至誠先覺體元立極敷文奮武孝慈神聖
純皇帝梓宮綽翻來臨埏扉告啟屏衛蟠固雲華黻黷元隧卽
安神護福陟永鞏

山陵

鑿馨昭祉尙

饗

后土神祭文

坤祇效德靈曜丕彰安土基福厚載无疆今恭奉

皇考高宗法天隆運至誠先覺體元立極敷文奮武孝慈神聖
純皇帝梓宮卽封吉兆崇邱之陽地維永鎮元極幽藏億禩孔
固山阜陵岡祇命將祀

神鑒馨香尙

饗

太廟升祔祝文

祚啟萬年垂裕篤本仁之誼宗尊百世通神觀大禮之成典冊
虔稽用申崇於吉祔馨香敬告敢祇薦於明禋欽惟

皇考高宗法天隆運至誠先覺體元立極敷文奮武孝慈神聖

純皇帝

德協健行

化成久道

聖神文武崇功光被於寰域

祿位壽名篤祐迥超於通雒熙洽而業隆

續緒

四祖宣光延洪而道備承基

五朝嗣訓圖開益地三萬里式廓宏規運際光天六十載克繩
前武集攀號於同軌式安

山靈仰對越於在天爰升

廟饗欽惟

皇妣孝賢誠正敦穆仁惠輔天昌聖純皇后

俔天協吉

應地含章聿彰淑慎之模用著肅雍之範

皇妣孝儀恭順康裕慈仁翼天毓聖純皇后

慶綏履福

符協坤貞積厚德以流光篤

慈恩而行緒茲者於祊祗告將祀事以孔明在

廟靈承緬

德音之克嗣敬陳吉饌恭卜剛辰奉

寶祐以尊崇隨

聖靈而陟降春秋匪懈聿追

神祖之是皇霜露旣濡益切孝思之不匱伏冀

昭垂靈鑒

佑啟後昆用達悃忱仰惟

歆格

奉先殿升祔祝文

奉先思孝典隆九廟之衣冠祀事孔明虔晉萬年之俎豆初升
吉祔禮備尊崇載舉精禋誠將妥侑欽惟

皇考高宗法天隆運至誠先覺體元立極敷文奮武孝慈神聖
純皇帝

體天德健

御宇功崇本

至誠無息之徵光

世德作求之緒啟祥源於億載

靈奠珠邱承福祚於

五朝位安寶祔陳芬玉瓚載隆

寢殿之文薦苾丹楹更展棗盛之報霜露旣降感悽愴以無方
朔望有虔仰

神明之如在欽惟

皇妣孝賢誠正敦穆仁惠輔天昌聖純皇后

皇妣孝儀恭順康裕慈仁翼天毓聖純皇后

功符坤厚

德合乾元追獻享之方升台尊親以並戴欽

燕謀之夙荷承

恩而載薦烝嘗茲

鴻號於新題晉祀而彌崇似續伏奠

俯垂靈鑒申奉崇儀長追

列祖之欽承益俾後人之佑啟

式憑伊邇祇薦維歆

穎貴太妃祭文

璿帷述範循懿榘以常昭瑪珮垂箴愴修齡之莫挽老壽備生前之福典有加崇哀榮彰內治之賢禮宜展敬遺型杳隔潔薦虔申惟

穎貴太妃

性秉徽柔

德敦溫粹秩修九御勤久侍於

軒宮佐養

重慈拜初封於

任室夙著塗椒之譽載揚澣葛之勞貴洽常尊

恩優前命迺閱年而邁閱人天之慟方深洎開歲以祝延日月
之長可冀何圖七袞周而遽謝僅越兩旬計而未遙輟朝忍事
平具文臨奠彌增夫悲緒於庠神縈丹掖覩春風柳絮之陳淚
灑素幃誌曩日鞠鞏之慕哀與時而滋集禮從厚以將忱式侑
馨香惟

靈鑒格

四阿哥追封履端親王祭文

書敦胄學幼從鶴禁之趨雅序彙行久抱鶴原之慟在昔王封

克繼邀

寵命以飾終維今天顯難忘緬崇徽而追往親藩特晉彝典重
申惟四阿哥履端郡王永城毓德淳全持躬端謹

初年則篤衍三索之得男遐算如存剛六旬之萃甲蓋自諸昆
早世率家矩以作恭猶及弱冠隨行侍

寢門而益恪嗣屏藩之舊服德本符名篤孝友於家居樂惟爲
善

御書編輯掌右殿之秘函

神祖憑依綜

雍宮之舊邸簪柶遊

上賓之戚以愛孫而敬理

鉅儀刈蘭襲壯歲之封乃遺嗣而頓遭中折悵棣華之早謝
篚豆空陳感桐葉之初零崇階宜陟是用追封爲履端親王錫之
奠醊於戲繼序而仰

在天方欲廢蓼莪之什陟岡而望同

父式無忘葛藟之篇分茅土以追榮飭豆邊而薦享庶將苾祀
尙克歆承

七阿哥追封親王祭文

念天顯而興懷胥篤因心之誼晉王封而舉典聿敦同氣之情
雖相依不及夫影形而追念彌深於手足推崇禮重奠醊文生
惟悼敏阿哥永琮神姿早慧

聖愛特鍾溯

中宮慶育之辰，曇華初現，遘除夕疾，殤之慟，鞞萼旋凋，生有自來，椒慶適當於喜，雨去無少待，夢祥翻恨於添盆。

母心蘊疾以貽憂

天語揮吟而屢軫，愴新春之試筆，小几金鈿猶再歲之抒哀，瓜沈蔓及送朱華之山色，夢幻依然，引嬰柳之春風，孩提知未邀一臨之致，醉

錫兩字以易名，繫前事識五十載以前，我後生閱十四年而後，今者追懷，鼻誼感逝，醉齡寄慕而愛所親，篤誼不遺於歿，九原棣折，曷將幼弟之忱，一字桐分，徒惜哲人之萎，迺頒顯秩，俾列親正，特遣專官，用崇祭典，於戲孔懷，遡豆無由，借儉爾之歡，允樹屏藩，庶幾伸友于之悃，薦茲馨潔，尙克鑒歆。

十二阿哥追封貝勒祭文

誼酬兄事懷雁序於天家秩亞王封寵鸞章於國典誌哀原之
舊感曷忘克恭表倅萼之遺輝聿敦同氣堂封載告爵號攸崇
惟十二阿哥永璣賦性冲醇宅躬醴粹朝輝視燎勤問

膳以趨

庭日誦披闈謹襲衣而受學先子生八年以長同胄教十載猶
多詎期沈疾之弗瘳空僂壯齡之未告膏肓善通連二豎以相
侵手足哀纏繚一人之見少齡頽廿五歿未及於茅封索杳再
三生更虛於楝苗憶昔肩隨而出入祇今心盡於始終宣晉崇
稱式彰令矩是用追封爲多羅貝勒錫奠有加於戲幽泉告慰
兩紀被組芾之榮遺誄揚庥三醴光尊彝之薦靈而不昧庶克

歆承

孝賢純皇后

孝儀純皇后上尊諡祝文

泰寧台撰承健順以含章

坤厚同功荷生成而錫祐緬

深恩於罔極馨聞重尊顯之名依

愛景以難追孝饗篤勛勞之報祇揚鴻號合薦明禋欽惟

皇妣孝賢純皇后

福詒燕翼

化啟鴻圖媯汭觀型七十三年

重華作配周京昌後億千萬載

文母貽祥悵

懿範已蚤升遐莫隆色養痛藐躬未能逮事空仰
音容一紀始生渺遺澤栢捲之慟五言

述

德讀絕倫巾幗之章昔廣

孝以爲天下之慈感頌

賢不啻女中之聖久殷攀慕敢後推崇

皇妣孝儀純皇后

仁惠覃麻

恩勤垂裕穆宣壺政修內職以雍容愉洽歡心侍

重闈而婉摯百行之原惟

孝至德必得夫

大名太極之生曰

儀地載並尊于

天覆昨正前星之位追尊

恩及於所生今升

右祔之隆上耐禮宜於同德於戲光宣瑤冊儷盛典於嬖嫛煒
著彤徽本化基於任姒仰

在天之昭格式

臨下以居歆伏冀

鑒垂長承

默佑

三壇二次祈雨祝文

朕雨暘軫念夙夜齋心企望虹霓叩瞻雲漢比者農忙待澤畿甸需霖驗閻伏於羣陰愷稽遲於下尺惟省躬知懼而厯抱如傷恐闕失之未修致祥徵之弗叶先籌厥食展夏賑以寬期疊宥園囚詔秋曹而肆赦一從旬月屢謁液園晨香

萬善之皈依

時應六宗之秩祀遣親藩而叩

三壇額

天之願潛通肅步禱而詣

右壇伏地之誠莫喻方以靡神不舉亦嘗藉報爲祈冀銷霾氣於觀師豫戢嘆威於魑虐迺燠薰已久霏灑猶稀晴仍半月之

逾陰僅片雲之密，徬徨晝暑彌撫已以難安。卜度宵占諗寧丁其曷故節度於有芒可種，候閱夫遇閏更遲有事吉蠲再陳，迫懇於戲曰雨而雨。

神原司造物之功先憂而憂予瀆請爲民之命佇憑

馨鑿大沛甘霖

社稷壇祈晴消水祝文

靈害柔盛懼實深於已責，淥虞昏墊倦最切於民。咨若呼籲之時聞敢吁嗟而上請，屬當季朔延此下旬初間作以霖生俄遂成於潦集乍陰乍霽，后土何時而得乾不涸不流，陽侯復出而爲虐樹頭屋角雞棲皆籠袖之民，野溢山平蟻潰作漸帷之患。朕敷言不播微咎在躬發庾粟以供炊，移官艘而津濟舛飛急。

賑龍覲遙祈凡可安全悉經籌畫厪宵之靡間恒眠食之不
寧爲人父母之謂何惟有

神明之如在昨年步禱卽邀甘雨之零諏吉禳親遙望時暘之
錫鱗雲速斂杲當出日之心鯨漲全消恬及涉波之瞻仰
右壇之靈佑應下土之殷求

祝在一朝鑿同六事

黑龍潭白龍潭玉泉山龍神祈晴消水祝文

維

神秩崇典祀惠及烝黎司暄潤之權衡作邦畿之保障屢昭靈
應肅展虔忱屬以季夏初旬值此連霖八日蛙沈土竈外郭南
西蟻穴金隄廬溝左右雖屆時行之候懼貽民墊之災朕篤念

知依責躬任咎命庶卿而撫卹走羣望以祈禳仰

福國之有靈鑒愛民而同切放光明而掃暄又若時暘消霖潦
以歸槽水行由地額求

昭格默相養恬

風神廟祈晴祝文

乾坤六子功最捷於散陰律呂八音祥先占於宣氣惟蘄大塊
之噫用解小民之痾時屬雨行旬逾再浹頽牆沈竈嗟露處之
何安豕涉鶴鳴尙雲興之未已朕纒深仰屋軫切納溝發粟散
緡移艘截漕旣諸政之具舉真靡神而不宗維

神扶陽抑陰闡蒙振暄本冠四壇之首曾親一獻之恭昔祈靜
醞釀以停威今竚掃氛霾而作勢毋令待族暫借鳴條不雨自

西應放晴之靈候揚波就下奏歸壑之土工

垂鑒升香遙昭播籟

社稷壇謝晴祝文

通積誠於呼吸

天且不違邀嘉貺以明昭祭則受福允賴滋庥於五土敢忘美報於兩圭昨以連霖殷茲開霽將肅齋於中禁特返蹕於郊園興雨迺晴雖禮殊而心一徹懸常服卽典祀而肇禋應候彰靈先期協順詣壇而晨光清朗升香則朝日曠暘鴻澤轉就於安居鯨波漸消而歸壑範時雨若時暘若五日已逾祭有祈焉有報焉三秋正屆思其寧之曷惠維

神之慈更如保之誠求皆子之責飽之饘粥俾收補種之農功

賦以菱健長鞏奠川之土德用申薦潔仍鼓

鑿馨

風神廟謝晴祝文

六宗飄長用標燎以禮神萬竅籟宣作枘圜而布氣既克彰靈於去垢允宜昭報以升香時當溽暑之行旬載沈陽之久懼成昏墊厘切怨咨旁皇求索之無方上下莫瘞之具舉特親祈於右壇兼命祀於東華維

神位日之初承天之使協能聽於虞幕愠卽解於舜琴仗轉而霾開爵陳而旭杲友母待族不虞雲上於天渙可迴瀾漸俾水歸其壑雨若日時暘若應妙故神格思不可度思至誠能動敢曰致百神之享實維降兆民之康冀

存悔齋集卷十

臣劉鳳誥

敕撰文

孝誠仁皇后加尊諡冊文

臣聞燕謀啟後

承天襄福履之綏鴻號崇先應地景

徽音之嗣懿德長垂於光贊孝思益切於顯揚撰合一儀祐隆

三世欽惟

皇曾祖妣孝誠

尊諡全

仁皇后

光昭泰祚

位正坤元

倪天徵文定之祥

儷日頌來嬪之盛軒星應象翊

皇極以居尊媯水觀型奉

宸儀而佐化帥蠶其服克馨

九廟之烝嘗禮備承歡用篤

重闈之問視表端嚴而作則

粹訓孔彰敷愷樂以推恩

仁心爲質職宜內教勤勞參任姒之規慶積

元符勵翼弼

羲軒之治溯

慈恩於弈葉敬上

隆稱循

彝訓於初基虔申茂典恪禔躬而惟慎敏著德以有功懋晉兩
言昭施萬嗣月靈煥采方載啟乎璆函

天祚媿庥式永增乎寶錄謹奉冊寶恭加尊諡曰

恪敏

伏冀

慶貽福緒

靈格馨聞彌開昌熾之期益佑延洪之祚

孝昭仁皇后加尊諡冊文

臣聞

德彰履福齊宸義協於

符天譽美思齊配祚名尊於

儷聖式考崇先之典宜隆報本之文金卮承庥彤編煥采欽惟

皇曾祖妣孝昭

尊諡全

仁皇后

泰筮闔祥

坤維翼運

徽稱早播既履詰以含聰

惠問彌昭允超任而軼似焜耀四星之采位繼中宮雍容五翟
之規職修內壺

萱庭愛日襄孝養於晨昏

蘭殿仁風佐憂勤於宵旰贊齎秉禮載承瑞爵之輝服練垂型
復表鞠禕之度景

慈暉於三世

佑啟方長紹鴻構於重孫顯揚未艾爰循茂矩再薦

崇稱端以著莊邀之儀穆以貽深遠之慕升馨

祐右鑄華流萬祚之芳玃瑞闕西鏤玉衍億齡之慶謹奉冊寶

恭加尊諡曰

端穆

伏冀

淑靈垂裕

懿貺增祥恒迓祉於繩振丕揚徽於煒鑠

孝懿仁皇后加尊諡冊文

臣聞

紫宸齊體昭

儷極於天儀彤史揚徽協

含章於地道佑啟方新夫懋典褒揚願上以崇稱奕世蒙庥重

言著媿欽惟

皇曾祖妣孝懿

尊諡全

仁皇后

德著安貞

性彰淵謚椒塗表範襄

雅化於星軒蘭掖垂型播

仁風於月殿課六宮之內職翟茀偕朝承

兩后之前規鸞車有耀日親問膳克繼養於

堯廷蚤奉求衣用佐勛於

軒辰溯

聖慈之顧復在

皇祖之幼冲備極

恩勤久申贊頌孝思不匱鴻稱已晉於

重聞介福無疆

燕譽尤彰於萬世允懷崇報維

母德在乎宣慈彌切顯揚迺大名歸於節惠謹奉冊寶恭加尊

諡曰慈惠伏冀

厚德流光

純禧垂裕益起絲長之緒永貽保艾之庥

孝恭仁皇后加尊諡冊文

臣聞

體著承天法四妃而儷極

祥徵毓日垂萬嗣以延麻稽舊典以晉鴻稱溯

前徽而光鳳紀式崇美號敬備彝章欽惟

皇曾祖妣孝恭

尊諡全

仁皇后

德應曦暉

功符厚載

皇猷贊化聿襄夙夜之勤

壺職推誠克助陰陽之理上佐承

歡之奉禮肅

重闈旁施逮下之仁恩流九御敬緬

先皇述德傳月宮

誕聖之祥曾聞

壽母護尊

鑒雪殿居憂之請條

上昇之相繼愴至養之未終丕昭

孝緒於當年篤念

慈徽於奕代用遵成憲聿表令譽維欽嬪美於媯型於穆薦馨
於

清廟子孫賴福載瞻翟茀以增輝史牒揚麻更啟瑤函而煥彩

謹奉冊寶恭加尊諡曰

欽穆

伏冀

福基永固

慈蔭常昭衍祉祚之方新啟昌符於未艾

憲廟加尊諡冊文

臣聞

治崇家法裕昌燕之貞符

德美世求衍龐鴻之寶緒篤承先於

詒翼景藉迨乎殷孫緬執中以

傳心光懿恢乎虞冊立名追遠薦號揚庶欽惟

皇祖世宗

尊諡全

憲皇帝

協撰清寧

成能位育

一誠恭己苞元氣而運天綱

四聖佑申疊小心而孚帝載

巍功煥章之大夙凜聞知

繼志述事之殷勉勤聰聽顧維

政垂版第十三
年經法爲
昭典重
璆書一
十字尊
崇以制
茲方

嗣序敢忘仁率之規曩奉

遺謨母侈禮隆之報著愨興

優臨之慕篤情切來孝之追展敬因

嚴譏先端義爰繹

前猷秉哲探性命之淵微彌欽

至德綏和筦治平之樞要友愛敦於同氣無黨無偏明達布于

四方勿疑勿貳廣用賢之輪轂絕言利之孳萌右文則魯頌尊

師纘武則軒柵振旅導移氓俗廣

闡訓於十六條董正官方積

批章以四百帙猶復

賜金養吏

制詔勸農從獻可以開誠遣巡方而察隱慎獄明罰刑無刑以
總祥增防浚川樂其樂而溥利蠲浮糧於令甲戶鮮逋遷頒恤
帑於軍丁旗均養育迺至蕃降青海峒闢烏蒙錫安南都護之
土置授琉球學生之書史叶

謙尊於著筮通六爻吉利之謀鞏

泰運於橋陵受百禩馨香之福肇登

廟祀祖顙郊學而有儀聿紹

庭徽規乾矩坤以爲量今者虔稽彝典載晉

鴻稱睿作範敵聖躋頌媿合恭從明聰而徵念極美大神化而
顯名益以重言傳之萬世謹奉冊寶恭加尊諡曰

睿聖

於戲燦

闡珍而鏤字不昭嚴翼以稱

天席黼展而求章冀懋顯承於法

祖肅祈

慈照祇荷洪禔

孝敬憲皇后加尊諡冊文

臣聞

位協坤貞申錫璿帷之祉

光昭泰運寅承瑤尺之麻鴻聲稟德以充符懿媿垂名而僿極
宜循茂典用展孝忱欽惟

皇祖妣孝敬

尊諡全

憲皇后

淵謚貽型

溫恭示範

重闈歡養秩九御而警華鐘

內邸勤襄式六宮而彰煒管順能贊治匪瀛岳而布和慎以分猷普乾坤而宜懌爰邇

祖徽臨寓正翟衣駟馬之儀咸欽

母教在宮導蘭館蘋齋之化九紀遽升夫

月馭八紘恒景夫

星鈴靜緬

那居歆承

假廟肆冲人之紹緒佑啟

闔祥期振古之揚輝祇將烝昇樂書被金石以禮治躬則莊離頌洽宮庭惟敬宅衷曰肅四脩表獻端莅內之規模五事作恭

謹教陰之法則僉言翁粹令譽增長謹奉冊寶恭加尊諡曰

莊

肅於戲荷

慈恩於奕葉衍昌熾以方新闡輝彩於精璆篤顯揚之未艾莫名崇報式安

馨聞

孝聖憲皇后加尊諡冊文

臣聞

德表國闡垂裕深而輯祐

道端宸掖申錫久而發祥彰懿教於翟庭晉熙稱於鴻冊禮隆思孝義洽揚馨欽惟

皇祖妣孝聖

尊諡全

憲皇后

順協天經

化周坤紀

護宮肅範播堯舜之仁譽

椒殿繁祺軼衞娶之景貺光宣

勤矩忘聽鐘問燎之劬法懋

儉行示服澣御珍之式應虹樞而

誕瑞八表承尊拱

星御以儲歡萬方備養邇承

顏於獅座

重闈稱

有福之人洎升炷於

龍飛六甲錫居尊之羨每憶

飴含長樂久邀

愛拊於童孫曾隨綵舞

慈寧實受福釐於

王母當日葭筍獻

壽晉十六字以添籌迨今孫室懷

恩閱廿四年而展牒戀

仁暉而卽遠稽彝典以增崇揆述兩言昭垂百代易通儀太極
誠詮資始之源周室稱嗣音徽著思齊之美中庸之配悠久應
地無疆爾雅之媿臧嘉燕天勿替是用鏤文謨德祈
在天啟佑之長循實歆名修入

廟告虔之恪謹奉冊寶恭加尊諡曰誠敬於戲瓊函上薦篤承

昌緒之貽寶錄重陳依慕

慈庥之庇顯揚曷罄

昭鑒如臨

孝賢純皇后上尊諡冊文

臣聞

德協坤儀仰

慈型之配極化均曦曜追

粹範之齊

宸正位以統六宮聿宣內教垂庥而傳萬嗣載緬

前徽爰紀彝章用崇顯號欽惟

皇妣孝賢皇后

厚應含章

慶符履福嗣音奉

聖襄孝養於

宮庭佐治承

天贊勤勞於

宵旰持躬篤摯秉性端莊式彰敦厚之風用播穆宣之政推

恩輯睦仁聲悉徧於椒塗逮下慈祥

惠澤周敷於蘭掖溯年丁未重華慶儷

日之祥越歲戊辰德水愴春風之變稱賢憶孝大名實本於

輓章幻喜成悲篤念久彰於

詞句

母儀其仰未伸逮事之忱

天則同符宜上追尊之典弗祿方鍾於未艾尊親並戴以無疆

鐫華玉以揚芬鏤赤文而煥彩謹奉冊寶恭上尊諡曰

孝賢

尊諡全

純皇后

昭垂默鑒蕃釐之佑啟方長懋著

崇稱懿德之留貽宛在愧顯揚之莫報祈

靈爽之來歆

孝儀純皇后上尊諡冊文

臣聞

光昭玉策抒積慕以臚誠瞻仰瓊霄緬

深慈而渙號溯

崇徽於椒殿莫罄名言垂

懿則於琅函倍嚴對越欽惟

皇妣孝儀皇后

型齊媯汭

聖儷慶都佐

上理於內宮布中和爲懿教慶鍾

大德福建藐躬極願復之

深恩劬勞莫報備尊崇於

厚載攀戀奚從廿五年追憶

春暉夙夜恒垂涕淚億萬載常承

坤吉子孫永戴音徽曩以位正前星禮成元日推純禧於在
母隆施祉於自

天已奉

鴻稱今稽

耐典欲稍申夫孺慕惟更益夫

大名念溫清之莫修心傷曲禮擬形容而鮮當諡考周書紀衆
善而靡窮詢羣言而僉協謹奉冊寶恭上尊諡曰

孝儀

尊諡全

純皇后於戲肇電樞星渚之符孝養之深衷莫及

昭刻玉鏤金之盛闕崇之寶典恒垂竝尊禮重於因山加燉情
深於陟配敢祈

昭格用俶繁昌

恭擬

皇后冊文

朕聞圖闡坤珍儷宸樞而著象景宣舒御凝寶曜以齊輝資福
耦之承麻表鴻稱於正位宮庭禮洽典冊光崇咨爾皇貴妃鈕
祜祿氏粹毓名宗慶貽勛閎安貞應乎矩度敬順本於性成早
從潛邸揚令德於翬綸夙奉彝章佐同功於藹館列星妃之貴
重璿掖升華增彤史之焯煌黼帷贊化

寶命篤

椿慈之鑒蕃釐盈椒衍之祥閱三載以屆期正中官而協吉茲
朕欽遵

皇考高宗純皇帝敕旨以金冊金寶立爾爲皇后爾其敬仰

前恩勉勤內職秉虔恭於齋敦肅禮法於琚裳布仁惠之芳風
翊昇平之郵治王化自宮中始觀厥嗣徽母儀示天下尊受茲
多祐丕膺顯命懋迓洪庥

晉封和碩儀親王冊文

端本善則以愛敬爲先敦俗雍時以親賢爲重周京紀常棣之
詩唐室美鵲鶴之頌化所基也道攸隆與多羅儀郡王永璇乃
皇考高宗純皇帝第八子朕之兄也涵和脩吉訓古敏時早承
寵命以疏封克著靖其於藩服入石渠而綜覽四庫觀成嗣彤
伯以敬收九族咸敘七萃效撫循之治一軍資統馭之能訪茲
旣徵其日休誠順堪型夫天揖矧

皇考之分形同氣今僅數人而朕躬之一弟兩昆王其最長允

懷

燕翼宜被龍光是用晉封爲和碩儀親王錫之寶冊於戲憶虎
闈之出入齒以肩隨掌麟府之宗藩善爲心樂益敦旣翕用樹
維型欽哉

晉封多羅慶郡王冊文

周文之昭十餘國郇以幼封太姒之子百斯男康宜誥作在昔
椿闈介壽當舞綵而分藩維今棗鄂相輝宜翦珪而晉爵爾多
羅貝勒永璘迺

皇考高宗純皇帝第十七子朕之弟也器采明通天姿淳茂聽
雞鳴而問

寢出入必偕循雁序以言歡詩書共受念

鞠勤於少子荷

慈眷而獨優勗祇適乃寡兄建懿親而允洽是用晉封爾爲多羅慶郡王錫之冊命於戲凡今之人莫如毋忘宵雅積善之家必有克副嘉名勗作親賢光于屏翰欽哉

晉封多羅榮郡王冊文

一本推恩公族衍棠華之澤九儀錫命懿親崇磐石之封眷玉葉以承暉賁彝章而晉冊爾多羅貝勒綿億乃朕兄和碩榮純親王永琪之子稟姿淳厚蹈矩循良課業虎門質敏猶勤於六藝從蒐鹿苑志調兼習於三驅洎朱邸之初開溫恭益著更青箱之時肄纂述彌殷同氣孔懷嘉象賢之有後本支篤慶念食邑之宜增是用晉封爾爲多羅榮郡王錫之冊命於戲賚父事

君其懋纘繩於乃考承家開國無忘屏翰於大宗庶體朕懷乃
心王室欽哉

賜睿親王初祭文

王功曰勲逾百年而始封胙復支子爲後邇六世而墜緒綫承
金滕之雉周公

天真特鑒圭葉之盼唐叔史得補書愴華星倏黯於一朝潔饋
豆爰將於初奠感予求舊蕪厥令終惟王恭謹守躬清勤宣力
表暉崇翰實郇滕雍郛之本支展牒懿親與康簡顯平而更號
念乃祖以孤忠開國會蒙謗雪斂衣迫爾躬以降爵起家何幸
榮加錫土奉

先皇之恩勗敘九族耑掌宗藩膺重寄於懷徠長六盟典司賓

客上旗統率威整龍驤近衛趨承班嚴豹仗僕年來之勤績左
右忘勞端公族之粹型從容中節夕歸桂邱西園之果樹蕭然
日侍萱帷南陔之華附粲若方冀長承眷倚益茂寵光昨初寒
甫邁采薪謂有喜宜占勿藥卿僚遣視疾佇速瘳宗戚遽殂疏
留遺勳是用輟朝舉典賜奠親臨睹故家之僅有垣墉憐歿後
之併無塋域卹金半萬俾營松楸之封越日兩旬載救蕙椒之
設嗚呼一王繼絕懷哉圭組之遺廿載服勞慰爾醴筵之告靈
其不昧庶克歆承

諭祭參贊大臣成都將軍加一等男奎林文

勲銘冊府宣猷資世閱之才職佐軍麾制勝重樞鈐之寄佇受
成于大捷遽愴逝于中途展卹爰加飾終攸賁爾奎林秉性純

誠程材英敏席寵光于嫺戚一門標柱石之崇備任使于鑾儀
蚤歲奉巾車之馭班趨中禁表周環翊衛之勞爵襲上公繼武
勇承恩之美遂預勾陳之轄載膺內苑之繁專旗統率隸編甲
於正鑲宿築警巡董司門之啟閑選材則分營教銳登練稱精
著績以領隊從征折衝效命曩金川之功敘璧加一等之封更
紫閣之形圖毫寫千秋之贊勅旌斫陣巴圖魯上號增榮劇綜
徠賓衛拉特諸藩典屬東華賜騎頻躋政府之階西域擁旄屢
授屯田之節偶瑕尤之莫掩後效彌策其勤仍倬直之相隨長
才宜大其用八閩瀛嶠牙旗憑鎮撫之雄全蜀巖疆星鉞仗聲
威之壯屬馳驅於藏外遠借問罪之師俾贊畫於戎行重簡知
名之將殷垂眦倚盼凱奏以遄符倏告淪徂覽封章而滋惻成

勞在眷示延賞于後人彝典從優軫服勤于王事緬茲時傑恩
治遺榮慰爾幽靈禮陳奠醑於戲立功未逮竿期迅掃夫機槍
奮志堪嘉傳世光垂于竹帛返旒恤懷于勛舊薦馨飭命于祠
官尙克歆承式酬茂渥

諭祭大學士晉封郡王銜福康安初次祭文

任兼將相標柱石於朝英世篤忠貞炳旂常於盟府惓成勞之
夙著中外宣猷緬偉績之殊常河山壯氣宜懋飾終之典用光
設醑之初爾福康安秉性公忠懷材敏練勲門奮迹甫當弱冠
之年禁闔承恩近列勾陳之選值金川之用武志壯請行摩玉
壘以先登功成錫號寵膺蒲壁參民部之清班耀疊花翎統期
門之勅旅留都作鎮重鑰鑰於北門開府啟行擁麾幢於南詔

遷轉八州之督節華殆遍寰輿超踰五等之封爵賞俱由行陣
中直樞衡者二載備聞帷幄機宜屢申戎律於三方尤擅鞞鈴
要畧始則石峯蠶動制軍嚴鈇鉞之威繼而臺嶠鳴張往帥易
旌旗之色鯨鯢並築遂令東海波恬載驃胥徠兼使南荒聲虜
洎乎指戈廓喀伸討么磨雪若冰凋險阻爲從來未有瘡膚爾
足躡辛在士卒之先究逼壘以降酋迺旋軍而奏凱爰端揆席
入侍綸扉載莅蜀滇待移閩浙值苗頑之梗化遘臨楚徼以
籌兵生致渠魁方佇七旬之捷久嬰勞勩儵連二豎之侵猶復
力疾視師冒蠻溪之毒霧忘身盡瘁指部曲以摧鋒肆酬庸有
前命生加貝子之封聿追贈汝先人曲慰蓋臣之志何圖騎箕
之速弗逮振旅而還遽告淪徂實深震悼服勤事輟勞軫念以

奚窮展卹恩優邁等倫而示渥蜜章袞毳榮爲異姓之王厚帑
帝祠貴及生身之父賞延爾嗣分茅躋貝勒之崇眷篤予心歸
旒待几筵之奠先頒馨祀式安忠魂於戲較諸葛之鞠躬悵玉
樹金刀而更感象祁連以穿豹視黃腸纁甲而加儀維靈有知
尙其歆受

賜原任戶部尙書一等子布彥達賚祭文

勳門表德冊書延五等之崇戚畹稱賢紳珮起三台之望偉宣
猷於壯歲謂當鼎鼎年華殷眷倚於禁庭遽失堂堂公輔歎用
才之未竟宜展卹之有加愴逝浹頒儀初奠爾布彥達賚秉
性醇誠宅心敬慎承暉喬蔭人瞻故相之槐列爵券盟世執崇
班之穀冠卽掄於宿衛任常奉以巾車麾閑九陛之嚴茶尙三

情之御遂遷領院森武庫以羅胸載統耑旗仗行旌而出塞空
桐按部快噓萬里春風熟麥屯田計到七年歸路中外具能宣
力俾還朝再典廂軍左右惟欲得人屈親政亟登卿佐總持宮
築兼內職之勤勞肅扈儀鑿作近臣之表率善參國計美濟家
聲擅爲守之素優資平均之悉當操修整潔曷嘗體大而迹疎
醞釀和平匪等外餘而中歉至其名高提舉閣門常聽履聲寄
重金吾城闕久司符鑰詎意豎侵小恙甫淹除臘之朝使問空
馳不奏尙醫之效聞而賜禔痛欲奠帷惟勉從籲勸之勲用特
表遺徽之卓悲盈縮酒允宜代以臨筵淚灑夷槃先命歸而視
殮贈官崇於六太錫宮銜題旒之榮卹金界以三千佐甲卒治
塋之典嗚呼星衡掩曜迴思朏月之初柱石縈懷益重幽泉之

感旣飾終而告備爰薦潔以殷酬尙克歆承式彰茂渥

賜原任副都統和爾經額碑文

朕惟竹冊揚麻先懿親而著渥椒帷衍祐追戚畹以增崇倦積
厚之有餘示流輝於勿替所以協彝章昭異數也爾原任副都
統和爾經額踐資內府遷秩望郎苑卿迭晉乎正階旗籍久參
乎統轄名垂豹直夙夜維勤望重鴈行班聯共式茲以敷恩昌
會振華緒於壺闈推本蕃釐闡遺榮於嫺族宜有褒綸之賁光
茲麗石之貞於戲表舊德於丹書豐碑孔固茂鴻施於汗簡奕
葉欽承

賜太保前保和殿大學士一等忠勇公晉贈郡王銜傅恒碑文
朕惟生公輔器象賢昭明德之貽眷社稷臣錫爵厚崇勲之舊

克家有子邈垂裕以褒忠異姓亦王表追封而美報緬儀型於
未氓敷恩命以聿新久倍殷懷榮宜加贈爾太保前保和殿大
學士一等忠勇公傅恒望美世臣勲高懿戚蓋忠素信一朝柱
石之賢耆定元功千載旂常之耀曩者用武金川汝惟宣威玉
帳票姚轉戰最堅決勝之心頡利請降速蕞安邊之績袞歸調
鼎圭寵執桓表泱泱上將之名籌赫赫西師之役朕志孰同卿
謀有藉夫鈞衡翊贊方成相業之優而邊徼防維攸繫國威之
重值驟蠻之有事將虎旅以邁征幸早收面北之功迺長抱入
南之恨廿年縉綬作詩曾倦夫故人七尺清高寫貌徒瞻爲陳
迹雖云往事能不興懷今爾子福康安少卽誨育禁廷長而謀
猷軍國屢歌三捷指方畧以能知轉督八州授節麾而愈壯登

宰相世系之表列公侯爵賞之班濟美厥聲論功其偉久嘉作
楫之才邇致有苗之格我君臣誼原一體肯忘能仕而教忠爾
父子年不五旬何遽因勞而告逝用皆未竟悼且安窮迴思作
朕股肱奚以酬卿骨肉俾儕宗室爰超五等之榮特晉王封應
誌九京之感在本朝茲爲創典有加禮並及所生是用追贈爾
爲郡王以慰丹誠以光黃壤於戲位崇極地答兩世之勤勞爵
冠等威著一門之忠孝指河山而爲誓儼同開國之勲勒金石
以不刊庸作承家之勸丕昭來許勿替引之

追封三等公清泰誥命

世德啟祥於鼎闕澤衍椒塗新恩錫祉於彤廷輝流芝檢考彝
章而允協禮戚晚以攸崇爰賁鸞封式班爵秩爾原任內管領

清泰乃

孝儀皇后之父敬慎禔躬勤能著譽迴翔內府曾分禁闈之猷
光美前徽實篤官闈之瑞睽穀貽於積厚外族垂型肇圭析以
疏榮上公晉位宜茂適追之典丕彰庸建之庥是用追封爾爲
三等公錫之誥命於戲蕃釐有本表茲朱芾之華名德猶新報
以丹綸之寵欽予顯命稱厥鴻施

追封三等公夫人楊佳氏誥命

懿範著蘋宮之肅作儷稱賢殊祥育蘭殿之馨疏封表貴緬副
笄之備德宜中壺之偕榮錫命攸同流徽有耀爾楊佳氏乃
孝儀皇后之母稟質溫恭含章柔順輔勤內職夙嫻警旦之風
毓粹外家誕應懸星之彩邈芳聲於彤管綸組揚華受多福於

存悔齋集卷十

璇閨禕衣告慶賚褒儀而推本協令典以垂庥是用追封爾爲
三等公夫人錫之誥命於戲貴從夫爵品增重於珩璜光闈女
宗恩載宣於綸綍祇承渥澤式荷崇封